

Mi

Kisim

Save

2





Sape i wokabaut long lek i go.

Em i kamap long wanpela gaden.

Em i ting,

"Mi longlong nau.

Bipo rot i go long narapela hap.

Nau em i kam long dispela gaden.

Wanem taim bai mi kamap long ples?"

Sape em i ting olsem,

na wanpela wantok i kamap.

Sape i tok,

"O Pami, nau mi kam bek long ples.

Bel bilong mi i gutpela nau.

Tasol ples i stap olsem wanem?"

Pami i tok,

"Oltaim ples i stap gutpela.

Sampela de tasol pasin nogut i kamap.

Tasol olsem wanem long hap?

Ol man i wok long hap,

ol i stap olsem wanem?"

Sape i bekim tok long em,

"Olgeta man i save mekim wok nabaut.

Mipela sampela i wokim bikpela rot.

Mipela wokim long olgeta de i go.

Lek na han bilong mipela i bagarap.

Bodi bilong mipela i nogut olgeta."





Pami i tokim em,

"Strongpela wok em i gutpela.

Em i mekim bodi bilong man strongpela.

Mi save long dispela.

Tasol ol man bilong hap i ting wanem?"

Sape i ting long dispela askim.

Em i tokim Pami,

"Yes, wok i no bagarapim mipela.

Tasol mipela i no gat wantok.

Na mipela i bel nogut long dispela.

Mipela i laikim tok ples.

Mipela i laik toktok wantaim wantok.

Tasol i no gat wantok.

Olsem na bel bilong mipela i nogut."

Pami i tokim em,

"Yes, mi save long dispela pasin.

Tasol nau mi gat wanpela tok.

Wanpela man i kamap long ples.

Em i tok long olgeta man i gat sin.

Em i tok long mipela i gat sin.


Olsem na mipela i longlong liklik.

Sin em i wanem tok?

Mipela i no save gut.

Ating dispela man i man nogut?"





Sape i tok,

"Mi save long dispela pasin.

Mi save long dispela tok sin.

Mi ken tok stret long dispela.

Sin em i pasin nogut.

Man em i save sin oltaim.

Em i mas sem long dispela pasin.

Em i mas tanim bel.

Em i mas kisim gutpela pasin gen."

Pami i tok,

"Em i gutpela tok.

Tasol mipela i no save dispela man.

Em i askim mipela planti samting.

Em i laik save pasin bilong mipela.

Em i raitim olgeta tok bilong mipela.

Mipela i no save long dispela pasin.

Em i mekim wanem?

Ating em i laik bagarapim mipela?"

Sape i tok,

"Nogat.


Em i no laik bagarapim sol.

Em i no laik bagarapim bodi.

Man olsem i stap long olgeta hap.

Ol i laik helpim olgeta man."





Pami i tok,

"Em i gutpela.

Mi no longlong moa nau.

Mipela i ken kisim dispela man.

Em i ken helpim mipela."

Sape i wokabaut long rot wantaim Pami.

Em i askim em,

"Ol bikpela' man ol i mekim wanem?

Ol i makim wanpela meri bilong mi?"



Pami i harim dispela tok.

Tasol em i no bekim.

Em i wokabaut nating tasol.

Oisem na Sape i askim em gen,

"Ol i makim wanem meri long mi?

Watpo ol i no askim mi?"

Nau Pami i tok,

"O wantok.

Mi no ken bekim dispela askim stret.

Long wanem?

Bipo ol hetman i makim gutpela meri.


Tasol wanpela man i laik kisim em.

Nau tasol ol hetman i wok.

Ol i laik mekim stret dispela tok."

Sape i harim dispela tok.

Bel bilong em i nogut olgeta.



Em i tok strong,

"Wanem nem bilong dispela man?

Em i mekim bikpela sin long mi.

Mi laik bagarapim em nau."

Sape em i tok strong olsem.

Em i ting long bagarapim dispela man.

Tasol Pami i no toktok.

Em i harim strongpela tok bilong Sape.

Na em i tingting i stap.



Em i ting,

"Sape em i bel nogut.

Em i laik mekim bikpela tok i kamap.

Bai mipela olgeta i kisim sem.

Bai mi mekim wanem?"

Sape wantaim Pami i kamap long ples.

Oi hetman i toktok i stap.

Nambawan hetman i tokim olgeta man,

"Nau dispela tok i ken kamap stret.

Mipela makim dispela meri long Sape.

Tasol dispela man i wok long kisim.

Mi askim meri.

Em i laikim Sape tasol.

Oisem na mi tok strong.

Sape i ken kisim dispela meri."

Sape i tok,

"Yes, mi laik kisim.

Tasol mi gat toktok.

Nogut narapela man i mekim nogut.

Nogut em i bagarapim mipela.

Bai bikpela pasin nogut i kamap."

Nau hetman i tokim narapela man,

"Olgeta man i mas harim gut.

Nogut pasin nogut i kamap."

Olsem na tok i stret olgeta.

Narapela man i go wok.

Em i go long narapela hap.

Em i go i stap olgeta.

Sape i kisim meri bilong em.

Na em i stap gut long ples.